

## আউলিয়া কারা? আশশাইখ ‘আব্দুর রায্যাকু ইবনু ‘আব্দিল মুহ্ছিন আল ‘আব্বাদ আল বাদ্ৰ حَفْظَةُ اللَّهِ

بِسْمِ اللَّهِ الرَّحْمَنِ الرَّحِيمِ

নিশ্চয় সকল প্রশংসা আল্লাহ্‌র (ﷺ)। আমরা তাঁরই প্রশংসা করি, তাঁর কাছেই সাহায্য প্রার্থনা করি, তাঁর নিকটই ক্ষমা প্রার্থনা করি এবং তাঁর দিকেই প্রত্যাবর্তন করি। আমরা আল্লাহ্‌র (ﷺ) নিকট আমাদের নাফ্‌ ছের অনিষ্ট থেকে এবং আমাদের কর্মের মন্দ কুফল থেকে আশ্রয় প্রার্থনা করছি। আল্লাহ যাকে হিদায়াত করেন তাকে পথভ্রষ্ট করার কেউ নেই, আর যাকে তিনি পথভ্রষ্ট করেন তাকে হিদায়াত করার কেউ নেই। আমি সাক্ষ্য প্রদান করছি যে, আল্লাহ ব্যতীত সত্য কোন মা‘বুদ নেই। তিনি একক, তাঁর কোন শরীক নেই। আমি আরো সাক্ষ্য দিচ্ছি যে, মুহাম্মাদ ﷺ আল্লাহ্‌র বান্দাহ ও রাছুল। তিনি হলেন আল্লাহ্‌র বাছাইকৃত, তাঁর অতি প্রিয় এবং তাঁর অহীর উপর (মানবজাতির জন্য রাছুলুল্লাহ ﷺ এর প্রতি নাযিলকৃত আল্লাহ্‌র বার্তার বিষয়ে) অত্যন্ত বিশ্বস্ত এবং মানবজাতিকে আল্লাহ্‌র শারী‘য়াত তথা তাঁর প্রবর্তিত বিধান পৌঁছে দেয়ার দায়িত্বে নিয়োজিত।

তিনি (রাছুলুল্লাহ ﷺ) মানবজাতির জন্য কল্যাণকর এমন কোন বিষয় অবশিষ্ট রাখেননি, যা তিনি তাঁর উম্মাতকে অবহিত করেননি এবং এমন কোন অনিষ্টকর বিষয় অবশিষ্ট রাখেননি, যা থেকে তিনি স্বীয় উম্মাতকে সতর্ক করেননি। তিনি প্রতিটি বিষয় অত্যন্ত সুস্পষ্টভাবে পৌঁছিয়েছেন এবং মৃত্যু পর্যন্ত আল্লাহ্‌র পথে প্রাণপণ চেষ্টা করে গেছেন।

আল্লাহ্‌র অগণিত সালাত ও ছালাম বর্ষিত হোক রাছুলুল্লাহ্‌র প্রতি, তাঁর পরিবারবর্গ ও তাঁর সাহাবাগণের প্রতি।

অতঃপর ক্বোরআনে কারীমে আল্লাহ ﷻ ইরশাদ করেছেন:—

أَلَا إِنَّ أَوْلِيَاءَ اللَّهِ لَا خَوْفٌ عَلَيْهِمْ وَلَا هُمْ يَحْزَنُونَ. الَّذِينَ آمَنُوا وَكَانُوا يَتَّقُونَ

অর্থাৎ—জেনে রাখো! নিশ্চয় আল্লাহ্‌র অলীগণের কোন ভয় নেই এবং তারা চিন্তিতও হবেন না। তারা হলেন সেই সব লোক যারা ঈমান আনেন এবং তাকুওয়া অবলম্বন করেন।<sup>১</sup>

এখানে এমন একটি প্রশ্ন রয়েছে, যার উত্তর সকল ঈমানদারের জানা উচিত, তারপর প্রত্যেক মুমিনের উচিত এই উত্তরটি নিজের মধ্যে প্রতিষ্ঠা ও বাস্তবায়নে সচেষ্ট হওয়া।

প্রশ্নটি হলো – কারা আল্লাহ্‌র সেইসব অলী বা বন্ধু; যাদের জন্য কোন ভয় নেই, চিন্তা নেই?

এই প্রশ্নের উত্তর আল্লাহ ﷺ পরবর্তী আয়াতে এই বলে দিয়েছেন-

الَّذِينَ آمَنُوا وَكَانُوا يَتَّقُونَ

অর্থাৎ-তারা (আল্লাহর অলী) হলেন সেই সকল লোক যারা ঈমান এনেছেন এবং তাকুওয়া অবলম্বন করেছেন।

অতএব,যে ব্যক্তি ঈমানদার ও মুত্তাকী (তাকুওয়া অবলম্বনকারী) হবেন, তিনিই হবেন আল্লাহর অলী।

ওয়ালায়াত (বেলায়াত) বা আল্লাহর বন্ধুত্ব লাভের মূল উপায় হলো - ঈমান ও তাকুওয়া।

“ঈমান ও তাকুওয়া” এ দু’টি বিষয় যখন একই বাক্যে উল্লেখ করা হয়, তখন ঈমান দ্বারা আল্লাহ ﷺ ও তাঁর রাছুলের

(1) আনুগত্যমূলক কাজ সম্পাদনকে বুঝায় এবং তাকুওয়া দ্বারা আল্লাহ ও তাঁর রাছুলের নিষেধকৃত বিষয়াদী বর্জনকে বুঝায়। তাই প্রকৃতপক্ষে যারা আল্লাহর অলী, তারা আল্লাহ ﷺ ও তাঁর রাছুলের (ﷺ) আদেশকৃত বিষয়াদী যথাযথভাবে পালন করে থাকেন এবং তাদের নিষেধকৃত বিষয়বস্তু সম্পূর্ণরূপে পরিহার ও বর্জন করে থাকেন।

আল্লাহর আদেশকৃত কর্মগুলো হলো-ফারয বা আবশ্যিকীয় এবং মুছতাহাব্ব বা পছন্দনীয়, আর আল্লাহর (ﷺ) নিষেধকৃত কর্মসমূহ হলো - হারাম ও মাকরুহ।

সুতরাং আল্লাহর অলী হলেন প্রকৃত অর্থে তারা,যারা তাঁর আদেশকৃত বিষয়াদী পালনের মাধ্যমে এবং তাঁর নিষেধকৃত বিষয়াদী বর্জনের মাধ্যমে ওয়ালায়াত বা বন্ধুত্ব প্রমাণ ও বাস্তবায়ন করে থাকেন।

তাই আল্লাহর আদেশকৃত বিষয়াদী পালনের ক্ষেত্রে যিনি কেবল ফারযের মধ্যে সীমাবদ্ধ থাকবেন, অর্থাৎ যে ব্যক্তি শুধুমাত্র আল্লাহর (ﷺ) নির্দেশিত ফারয-ওয়াজিব বা আবশ্যিকীয় বিধানসমূহ সম্পাদন করবেন, আর আল্লাহর নিষিদ্ধ বিষয়াদী বর্জনের ক্ষেত্রে যারা কেবল হারাম বিষয়াদির মধ্যে সীমাবদ্ধ থাকবেন, অর্থাৎ শুধুমাত্র হারাম বিষয়বস্তু বর্জন করে চলবেন, তাহলে তাদের সাথে আল্লাহর (ﷺ) অলীত্ব বা বন্ধুত্বের স্তর হবে মুকুতাসিদূনের স্তর। অর্থাৎ সে মুকুতাসিদ (ইকোনমী বা মধ্যম) স্তরের অলী বলে গণ্য হবে।

পক্ষান্তরে যিনি ফারয-ওয়াজিব তথা আল্লাহর আদেশকৃত আবশ্যিকীয় বিষয়াদী পালনের পর মুছতাহাব্ব বা আল্লাহর পছন্দনীয় বিষয়াদী পালনের মাধ্যমে এবং হারাম বিষয়াদী বর্জনের পর মাকরুহ বা আল্লাহর নিকট অপছন্দনীয় বিষয়াদী বর্জনের মাধ্যমে নিজের অবস্থা আরো উচ্চ স্তরে নিয়ে যাবেন, তাদের সাথে আল্লাহর ওয়ালায়াত বা বন্ধুত্বের স্তর হবে ছাবিকোন ফিল খাইরাত বা কল্যাণের কাজে অগ্রগামীদের স্তর বা মর্যাদা। আর এটিই হলো বন্ধুত্বের সবচেয়ে মহান ও সর্বোচ্চ স্তর।

অতএব এ বিষয়টি জেনে রাখা উচিত যে, ওয়ালায়াত বা বন্ধুত্বের স্তর হলো- দু’টি। একটি হলো-

মুকুতাসিদূনের স্তর, অপরটি হলো মুকাররাবুন (নৈকট্যশীল) বা ছাবিকোন ফিল খাইরাত (কল্যাণের কাজে অগ্রগামীদের) স্তর। আর এই উভয় স্তরের অধিকারীগণই ক্বিয়ামাতের দিন কোনরূপ হিসাব ও শাস্তি ব্যতীত জান্নাতে প্রবেশ করবেন।

এই দু'টি উচ্চ স্তরের অধিকারীগণের সুস্পষ্ট বিবরণ এসেছে সাহীহ বুখারীতে বর্ণিত একটি হাদীছে। আবু হুরাইরাহ رضي الله عنه থেকে বর্ণিত এ হাদীছটি 'উলামায়ে কিরামের নিকট হাদীছে অলী বলেই বহুল পরিচিত। কেননা এই হাদীছে অলী কারা? তাদের স্তর বা মর্যাদা কী? তাদের জন্য কী ছাওয়াব বা প্রতিদান রয়েছে? এসব বিষয়ের বিস্তারিত ও সুস্পষ্ট বিবরণ রয়েছে। এটি একটি মহান হাদীছে কোদছী, যাতে রাছুলুল্লাহ صلوات الله عليه وآله وسلم থেকে বর্ণিত হয়েছে যে, আল্লাহ (سُبْحَانَكَ اللَّهُمَّ) বলেছেন:-

مَنْ عَادَ؟ لِيْ وَلِيًّا فَفَدَّ اَدْنَتْهُ بِالْحَرْبِ وَمَا نَقَرَبَ اِلَيَّ عَبْدِيْ بِشَيْءٍ اَحَبَّ اِلَيَّ مِمَّا اِفْتَرَضْتُ عَلَيْهِ وَمَا يَزَالُ عَبْدِيْ يَنْقَرُبُ اِلَيَّ بِالْوَأْوَالِ حَتَّى يَأْتِيَ اَحْيَاهُ فَاِذَا اَحْبَبْتُهُ كُنْتُ سَمْعَهُ الَّذِي يَسْمَعُ بِهِ وَبَصَرَهُ الَّذِي يَبْصُرُ بِهِ وَيَدَّهُ الَّتِي يَبْطِشُ بِهَا وَرِجْلَهُ الَّتِي يَمْشِيْ بِهَا وَاِنْ سَأَلْنِيْ لِاعْطِيْتُهُ وَلَنْ اِسْتَعَانِيْ لِاعِيْنْتُهُ

অর্থঃ- যে ব্যক্তি আমার অলীর শত্রুতা করবে আমি তার বিরুদ্ধে যুদ্ধের ঘোষণা দিলাম। ফার্ব 'ইবাদাতের চেয়ে আমার নিকট অধিক পছন্দনীয় এমন কোন বস্তু নেই যদ্বারা আমার বান্দাহ আমার নৈকট্য লাভ করে থাকে। আর আমার বান্দাহ সব সময় নাফল 'ইবাদাতের দ্বারা আমার (অধিক) নৈকট্য অর্জন করতে থাকবে যে পর্যন্ত না আমি তাকে ভালোবাসি। আর যখন আমি তাকে ভালোবেসে নেব, তখন আমি তার কর্ণ হয়ে যাব যদ্বারা সে শুনতে পাবে, আমি তার চক্ষু হয়ে যাব যদ্বারা সে দেখতে পাবে, আমি তার হাত হয়ে যাব যদ্বারা সে ধরতে পারবে এবং পা হয়ে যাব যদ্বারা সে চলাফেরা করবে। তখন সে যদি আমার নিকট কোন কিছু প্রার্থনা করে, তাহলে অবশ্যই আমি তাকে তা দান করব, সে যদি আমার নিকট আশ্রয় প্রার্থনা করে তাহলে অবশ্যই আমি তাকে আশ্রয় দেব।<sup>২</sup>

এই হাদীছে কোদছীতে আল্লাহ ﷻ আহলুল ওয়ালায়াত বা আল্লাহর বন্ধুত্ব লাভকারীদের কথা এবং তাদের দু'টি স্তরের কথা বর্ণনা করেছেন।

প্রথম স্তরের বর্ণনা রয়েছে উক্ত হাদীছে বর্ণিত আল্লাহর (سُبْحَانَكَ اللَّهُمَّ) এই কথাটিতে-

مَا تَقَرَّبَ اِلَيَّ عَبْدِيْ بِشَيْءٍ اَحَبَّ اِلَيَّ مِمَّا اِفْتَرَضْتُ عَلَيْهِ

অর্থ - আমার ফার্বকৃত 'আমাল বা 'ইবাদাতের মাধ্যমে আমার বান্দাহ আমার নৈকট্য কামনা করবে, এটা আমার নিকট অধিক পছন্দনীয়।

আল্লাহ ﷻ বান্দাহর উপর আবশ্যিক বা ফার্ব করে দিয়েছেন তাঁর নির্দেশিত অবশ্য পালনীয় কাজগুলো সম্পাদন করা এবং তাঁর নিষেধকৃত হারাম কাজগুলো বর্জন করা। তাই যে ব্যক্তিকে আল্লাহ ﷻ ওয়াজিব

কাজগুলো পালনে এবং হারাম কাজগুলো বর্জনে তাওফীক ও সাহায্য প্রদান করে থাকেন, তিনিই আল্লাহর অলীগণের অন্তভুক্ত বলে গণ্য হবেন এবং তিনিই আল্লাহর মুকুতাসিদ বান্দাহ বলে গণ্য হবেন। মুকুতাসিদ হলেন তিনি, যিনি ফার্য-ওয়াজিব কাজগুলো যথাযথভাবে সম্পাদন করে থাকেন এবং হারাম বা নিষিদ্ধ কাজগুলো পরিপূর্ণরূপে বর্জন করে থাকেন।

দ্বিতীয় স্তর:-এটি হলো সর্বোচ্চ স্তর। এটি হলো “ছাবিকোন ফিল খাইরাত” বা উত্তম কাজে অগ্রগামীদের স্তর। এদের বর্ণনা দিতে যেয়ে উপরোক্ত হাদীছে কোদছীতে আল্লাহ ﷻ বলেছেন:-

وَمَا يَزَالُ عَبْدِي يَتَقَرَّبُ إِلَيَّ بِالْتَّوَاتُلِ حَتَّىٰ أُحْيِيَهُ

অর্থ- ফার্য-ওয়াজিব ‘আমাল সম্পাদনের পর আমার বান্দাহ সব সময় নাফল ‘আমাল-ইবাদাত পালনের মাধ্যমে আমার নৈকট্য অর্জন করতে থাকবে, যে পর্যন্ত না আমি তাকে ভালোবাসি।

অর্থাৎ- ভালো ও কল্যাণের পথে অগ্রগামী আল্লাহর (ﷻ) মুক্কারাব বা নৈকট্যশীল বান্দাহ; সে ফার্য-ওয়াজিব ‘ইবাদাত সমূহ সঠিক ও যথাযথভাবে সম্পাদনে সচেষ্টি ও পরিপূর্ণ যত্নশীল হওয়ার সাথে সাথে উত্তম ঈর্ষণীয় এবং আল্লাহর পছন্দনীয় মুহতাহাব্ব ‘আমাল-ইবাদাত সমূহ পালনে সচেষ্টি হবে, যাতে সে উঁচু স্তর ও উচ্চ মর্যাদা লাভ করতে পারে এবং আল্লাহর (ﷻ) ভালোবাসা লাভে ধন্য হতে পারে।

অতঃপর উক্ত হাদীছে কোদছীতে আল্লাহ ﷻ বলেছেন:-

فَإِذَا أَحْبَبْتُهُ كُنْتُ سَمْعَهُ الَّذِي يَسْمَعُ بِهِ وَبَصَرَهُ الَّذِي يُبْصِرُ بِهِ وَيَدَهُ الَّتِي يَبْطِشُ بِهَا وَرِجْلَهُ الَّتِي يَمْشِي بِهَا وَإِنْ سَأَلَنِي لِأَعْطِيَنَّهُ وَلَئِنْ اسْتَعَاذَنِي لِأَعِيذَنَّهُ

অর্থাৎ, এভাবে বান্দাহ যখন আমার ভালোবাসা অর্জন করে নেবে, আমি তাকে আমার প্রিয় বান্দাহ বা অলী হিসেবে গ্রহণ করে নেবো। (বান্দাহ যখন আল্লাহর পরিপূর্ণ ভালোবাসা অর্জন করে তাঁর নৈকট্যলাভকারী বন্ধু হয়ে যাবে) তখন তার (বান্দাহর) দু‘আ হবে আমার নিকট গৃহীত বা মাক্বুল। সে যদি আমার কাছে প্রার্থনা করে তাহলে অবশ্যই আমি তাকে সেটা দান করব। সে যদি আমার কাছে আশ্রয় প্রার্থনা করে তাহলে অবশ্যই আমি তাকে আশ্রয় দিব।

মোট কথা বান্দাহ যখন আল্লাহর অলী বা বন্ধু হয়ে যাবে তখন তার কোন দু‘আ রাক্বুল ‘আলামীন; মহান আল্লাহ প্রত্যাখ্যান করবেন না বা ফিরিয়ে দেবেন না।

আর কেউ যদি ওয়ালায়াতের বা আল্লাহর বন্ধুত্ব লাভের এই দুই স্তরের কোন স্তরে উন্নিত হতে না পারে, সে যদি আল্লাহর আদেশকৃত অবশ্য পালনীয় বিষয়গুলো সঠিকভাবে পালন করতে পারে এবং আল্লাহর নিষেধকৃত অবশ্য বর্জনীয় বিষয়গুলো যথাযথভাবে বর্জন করতে না পারে, তবে তার এইসব ত্রুটি বিচ্যুতি

যদি কুফরের (আল্লাহকে অস্বীকার করার) পর্যায়ে না যায়, তাহলে সে “মুছলিম যালিম লি-নাফছিহী” অর্থাৎ নিজের প্রতি অন্যায়-অত্যাচারকারী মুছলিম বলে গণ্য হবে। ক্বিয়ামাতের দিন তাকে আল্লাহর শাস্তির মুখোমুখি করা হবে। তাকে শাস্তি প্রদান করা হবে কেবল পাপ থেকে পবিত্র ও নিষ্কলুষ করার জন্য। অতঃপর (শাস্তি ভোগের পর) তার শেষ গন্তব্য হবে জান্নাত; সে জান্নাতে প্রবেশ করবে।

পক্ষান্তরে মুকুতাসিদুন ও ছাবিক্বোন ফিল খাইরাত - এই দুই স্তরের লোকেরা কোন রকম হিসাব-নিকাশ ও শাস্তিভোগ ব্যতীত তাদের প্রথম যাত্রাই হবে জান্নাতে এবং তা হবে চিরকালের জন্য।

এই তিন প্রকার লোকের কথা আল্লাহ ﷻ কোরআনে কারীমে একসাথে একটি আয়াতে উল্লেখ করেছেন।

আল্লাহ ﷻ ইরশাদ করেছেন:-

ثُمَّ أَوْرَثْنَا الْكِتَابَ الَّذِينَ اصْطَفَيْنَا مِنْ عِبَادِنَا فَمِنْهُمْ ظَالِمٌ لِّنَفْسِهِ وَمِنْهُمْ مُقْتَصِدٌ وَمِنْهُمْ سَابِقٌ بِالْخَيْرَاتِ يُذِنُ اللَّهُ لِكَذِّبَ لِكَ هُوَ الْفَضْلُ الْكَبِيرُ.  
جَنَّاتٌ عَدْنٌ يَدْخُلُونَهَا يُحَلِّوْنَ فِيهَا مِنْ أَسَاوِرَ مِنْ ذَهَبٍ وَلُؤْلُؤًا وَلِبَاسُهُمْ فِيهَا حَرِيرٌ

অর্থাৎ- অতঃপর আমি কিতাবের অধিকারী করেছি তাদেরকে যাদেরকে আমি আমার বান্দাহেদের মধ্য থেকে মনোনীত করেছি, তাদের কেউ কেউ নিজের প্রতি অত্যাচারী, কেউ মধ্যপন্থা অবলম্বনকারী এবং তাদের মধ্যে কেউ কেউ আল্লাহর নির্দেশক্রমে কল্যাণের পথে অগ্রগামী। এটাই হলো বিরাট অনুগ্রহ। তারা প্রবেশ করবে বসবাসের জান্নাতে। তথায় তারা স্বর্ণনির্মিত মোতি খচিত চিরুণী দ্বারা অলংকৃত হবে। সেখানে তাদের পোষাক হবে রেশমের। ((ছুরা ফাত্বির- ৩২-৩৩))

উক্ত আয়াতে আল্লাহ ﷻ ইরশাদ করেছেন:-

جَنَّاتٌ عَدْنٌ يَدْخُلُونَهَا

অর্থাৎ- বসবাসের জান্নাতে তারা প্রবেশ করবে।

এখানে সাধারণভাবে “তারা” বলতে আয়াতে উল্লেখিত তিন প্রকারের লোককেই বুঝানো হয়েছে। যালিম লি-নাফছিহী, মুকুতাসিদ এবং ছাবিক্ব ফিল খাইরাত- এই তিন প্রকার লোকই বসবাসের জান্নাতে প্রবেশ করবে। তবে মুকুতাসিদ এবং ছাবিক্ব ফিল খাইরাত- এই দুই প্রকার লোক হিসাব-নিকাশ ছাড়া এবং কোনরূপ শাস্তিভোগ ব্যতীত জান্নাতে প্রবেশ করবেন। আর যে ব্যক্তি কুফর ব্যতীত আল্লাহর নাফরমানী এবং পাপ ও অসৎকর্ম সম্পাদনের দ্বারা নিজের প্রতি অন্যায়-অত্যাচার করবে, তারও শেষ ঠিকানা হবে জান্নাত, তবে এর আগে শাস্তিভোগের মাধ্যমে তাকে পবিত্র ও নিষ্কলুষ হতে হবে। তাই প্রথমে যদিও তাকে জাহান্নামে যেতে হবে তবে সেখানে তাকে আজীবন থাকতে হবে না, বরং জাহান্নামে শাস্তিভোগের পর যখন সে পাপমুক্ত হয়ে যাবে তখন তাকে সেখান থেকে বের করে নিয়ে আসা হবে এবং তাকে জান্নাতে প্রবেশ করানো হবে। আর তখন থেকে জান্নাতই হবে তার চিরস্থায়ী আবাসস্থল।



একজন মুমিন যখন ঈমান-‘আক্বীদাহ সম্পর্কিত এসব তাৎপর্যপূর্ণ বিষয়গুলো জানবে এবং অনুধাবন করবে, তখন তার অন্তর আন্দোলিত হয়ে উঠবে। আল্লাহর নিকট উচ্চ স্তর ও মর্যাদা লাভের জন্য তার অন্তরে পরম আগ্রহ-উদ্দীপনা তৈরি হবে (সে ছাবিকু ফিল খাইরাত হওয়ার জন্য প্রাণপণ চেষ্টা করবে)। আমরা আমাদের মহান পালনকর্তা আল্লাহর (ﷺ) নিকট; যার কোন অংশীদার বা শরীক নেই, যার হাতে সকল কিছুর কতৃৎ ও নিয়ন্ত্রণ, যিনি হলেন তাওফীকু দানের(আমাদেরকে সৎকর্ম সম্পাদনের এবং অসৎকর্ম থেকে বেঁচে থাকার শক্তি-সামর্থ্য দানের)মালিক, তাঁর কাছে কামনা ও প্রত্যাশা করছি- তিনি যেন আমাদের সকলের কেশগুচ্ছ ধরে কল্যাণের পথে টেনে নিয়ে যান, তিনি যেন আমাদের প্রত্যেকের অবস্থা সংশোধন করে দেন, আমাদেরকে যেন তাঁর সরল-সঠিক পথে পরিচালিত করেন এবং চোঁখের এক পলকের (এক মুহূর্তের) জন্যও যেন তিনি আমাদেরকে আমাদের নিজেদের উপর ছেড়ে না দেন।

এখানে আরেকটি বিষয় বিশেষভাবে উল্লেখযোগ্য। আর তা হলো, প্রত্যেক মুছলিমের অবশ্যই উচিত- (সে যতই আল্লাহর আনুগত্য মূলক কাজকর্ম তথা ‘ইবাদাত - বন্দেগী করুক না কেন) নিজেকে সাধু ও পুতঃপবিত্র দাবি করা থেকে সতর্ক ও সাবধান থাকা। এ সম্পর্কে ক্বোরআনে কারীমে আল্লাহ ﷻ ইরশাদ করেছেন:-

فَلَا تَزْكُوا أَنْفُسَكُمْ هُوَ أَعْلَمُ بِمَنِ اتَّقَى؟

অর্থাৎ- তোমরা নিজেরা নিজেদের পবিত্রতা দাবি করো না। তিনিই ভালো জানেন- কে তাক্বওয়া অবলম্বনকারী।<sup>৩</sup>

আল্লাহর অলী হওয়া বা তাঁর বন্ধুত্ব লাভের বিষয়টি এরূপ কোন বিষয় নয়, যা কেউ নিজে নিজের জন্যে দাবী করতে পারে। যারা একাজটি করে থাকে (অর্থাৎ, যারা নিজে নিজেকে আল্লাহর অলী, দরবেশ, বয়ুর্গ, সূফী-সাধক, পীরে কামিল ইত্যাদি বলে দাবী করে থাকে) তারা মূলত অন্যায় ও বাতিল উপায়ে মানুষের সম্পদ ভক্ষণের নিমিত্ত কিংবা আল্লাহর বান্দাহদের উপর নিজের শ্রেষ্ঠত্ব প্রদর্শনের হীন উদ্দেশ্যে অথবা সমাজে কথিত সুনাম ও সাময়িক খ্যাতি লাভের জন্য এরূপ করে থাকে। অতএব সাবধান! (এ ধরনের লোক থেকে এবং এরূপ কর্মকান্ড থেকে)!

মূলত ওয়ালায়াত বা আল্লাহর অলী হওয়া- এটি একজন মুমিন বান্দাহ ও আল্লাহর (ﷺ) মধ্যকার বিষয়। একজন প্রকৃত মুমিন আল্লাহর অনুগ্রহ লাভের আশায় আল্লাহর নৈকট্য লাভ ও তাঁর অলী হওয়ার জন্যে প্রাণপণ চেষ্টা করে থাকেন। তাই সত্যিকার অর্থে যিনি আল্লাহর অলী হয়ে থাকেন তিনি কখনোই নিজেকে আল্লাহর অলী বলে দাবি করেন না, বা করতে পারেন না। তিনি বরং সবসময় নিজেকে আল্লাহর নিকট পাপী, অপরাধী ও যথাযথভাবে আল্লাহর (ﷺ) হাক্ব আদায় করতে পারছেন না বলে মনে করে থাকেন।

কোরআনে কারীমে আল্লাহ ﷺ তার পরিপূর্ণ মু'মিন বান্দাহদের বৈশিষ্ট্য বা গুণাবলি বর্ণনা করে ইরশাদ করেছেন:-

وَالَّذِينَ يُؤْتُونَ مَا آتَوْا وَقُلُوبُهُمْ وَجَلَةٌ أَنَّهُمْ إِلَىٰ رَبِّهِمْ رَاجِعُونَ

অর্থাৎ- আর যারা যা দেয়ার তা ভীত কম্পিত হৃদয়ে এ কারণে দেয় যে, তারা তাদের পালনকর্তার নিকট প্রত্যাবর্তন করবে।<sup>৪</sup>

এ আয়াত দ্বারা একথা বুঝানো হয়েছে যে, প্রকৃত ও পরিপূর্ণ মু'মিন; ছাবিকু ফিল খাইরাত বা কল্যাণের কাজে অগ্রগামী হলেন তারা, যারা আল্লাহর আনুগত্যমূলক যা কিছু করার সবকিছুই করে থাকেন অথচ তাদের অন্তর সব সময় এই ভয়ে ভীত থাকে যে, যদি তাদের 'আমাল সমূহ আল্লাহ ﷺ ক্বাবুল না করেন। আবুদ দারদা رضي الله عنه বলেছেন:-

لَأَنْ أَسْتَيْقِنَ أَنَّ اللَّهَ تَقَبَّلَ مِنِّي صَلَاةً وَأَحَدَةً أَحَبُّ إِلَيَّ مِنَ الدُّنْيَا وَمَا فِيهَا

অর্থ- আমার একটি সালাত আল্লাহ ক্বাবুল করেছেন, নিশ্চিতভাবে একথাটি জানা আমার কাছে সমগ্র দুন্ ইয়া এবং তাতে যা কিছু আছে এসব থেকে অধিকতর পছন্দনীয়। (ছুরা আল মা-ইদাহ এর ২৭নং আয়াতের ব্যাখ্যায় ইমাম ইবনু কাছীর رحمته الله এই আছারটি বর্ণনা করেছেন) হাছান বাসারী رحمته الله বলেছেন:-

إِنَّ الْمُؤْمِنَ جَمَعَ إِحْسَانًا وَشَفَقَةً ، وَإِنَّ الْمُنَافِقَ جَمَعَ إِسَاءَةً وَأَمْنًا

অর্থ- মুমিনের মধ্যে দু'টি বিষয় একসাথে থাকে। সে ভালো কাজ করে এবং ভয়ে থাকে (এই ভয়ে যে, আল্লাহ ﷺ তার এই 'আমাল ক্বাবুল করলেন কি-না)। আর মুনাফিকের মধ্যেও দু'টি বিষয় একসাথে থাকে - সে মন্দ কাজ করে এবং নিশ্চিত থাকে (আল্লাহর 'আযাবের ভয় তার মধ্যে থাকে না)।<sup>৫</sup>

'আব্দুল্লাহ ইবনু আবী মুলাইকাহ رحمته الله বলেছেন:-

أَدْرَكْتُ ثَلَاثِينَ مِنْ أَصْحَابِ النَّبِيِّ صَلَّى اللَّهُ عَلَيْهِ وَسَلَّمَ كُلُّهُمْ يَخَافُ النَّفَاقَ عَلَىٰ نَفْسِهِ

অর্থ- আমি ত্রিশজনের অধিক রাছুলুল্লাহ صلوات الله عليه এর সাহাবীদের পেয়েছি, যাদের প্রত্যেকে নিজের ব্যাপারে নিফাকের (মুনাফিকির) ভয় করতেন। অর্থাৎ এই ভয় করতেন যে, তার দ্বারা মুনাফিকী হয়ে গেল কি-না।

৪. ছুরা মুমিনূন- ৬০

৫. ছুরা আল মুমিনূনের ৫৭-৫৮ নং আয়াতের ব্যাখ্যায় তাফহীরু ইবনি কাছীর ও তাফহীরুত ত্বাবারী- ১৭/৬৮

((সহীহ বুখারী তা'লীক- কিতাবুল ঈমান))

হে আল্লাহ! আপনি আমাদের যাবতীয় অবস্থা সংশোধন করে দেন, আমাদেরকে আমাদের নিজেদের উপর চোঁখের এক পলকের জন্য (এক মুহূর্তের জন্য) ছেড়ে দেবেন না। হে আমাদের মা'বুদ! আমাদেরকে কেবল দাবি আর ধারণা নয় বরং সত্যিকার অর্থে যথার্থভাবে নিজেদের মধ্যে ঈমান বাস্তবায়ন করার তাওফীক দান করুন। হে আল্লাহ! আমাদেরকে আপনার সরল-সঠিক পথে পরিচালিত করুন। আমাদেরকে আমাদের নিজেদের উপর এক মুহূর্তের জন্য নির্ভরশীল করবেন না।

সালাত ও ছালাম বর্ষিত হোক অলীগণের ইমাম ও মুত্তাক্বীগণের ছরদার মুহাম্মাদ ইবনু 'আব্দিল্লাহ্-র প্রতি এবং তাঁর পরিবারবর্গ ও সকল সাহাবাগণের প্রতি।